



CONCELLO DE REDONDELA

PREMIOS JULES VERNE (1828-1905) DE ENSINO

BASES REGULADORAS E CONVOCATORIA DAS SUBVENCÍONS PARA A CONCESIÓN DE PREMIOS PARA ALUMNADO DE CENTROS EDUCATIVOS DE ENSINO PÚBLICO DO CONCELLO DE REDONDELA, PARA O CURSO ESCOLAR 2016-17.

Primeira. Definición.

As presentes bases e convocatoria teñen por obxecto establecer os criterios e o procedemento para a concesión dos premios para alumnado de **sexto curso de E. Primaria e para alumnado de E. Secundaria do centros de ensino público do Concello de Redondela**, consistentes nun premio en metálico e un Diploma de honra para os gañadores e un premio en metálico para os segundos clasificados.

Con estes premios búscase darlle unha dimensión nova aos traballos académicos do alumnado, achegándoos ao resto da sociedade e facendo máis visibles os seus esforzos e resultados. É tamén un xeito de involucrar os mozos e mozas naquelas materias de estudo que os motivan á hora de planificar os traballos, cun obxectivo concreto, e que lles fan dedicar máis tempo a mellorar esas competencias e a tomar un novo grao de conciencia no referente ao que se pode conseguir cun bo traballo.

Búscase ademais, eficiencia na asignación e no reparto dos recursos existentes para incentivar o alumnado, e recoñecemento aos mellores traballos desenvolvidos no curso 2016-2017.

Segunda. Obxecto.

O obxecto das presentes bases e convocatoria é o establecemento de dous premios:

- PREMIO de CIENCIAS para un traballo ou proxecto de calquera das materias de ciencias que se cursen nos niveis descritos na base primeira, é dicir, 6º de EP e todos os graos de ESO.
- PREMIO de INVESTIGACIÓN EN LINGUA GALEGA para un traballo académico orixinal en lingua galega que non superará 10 páxinas de extensión, tamén para os niveis descritos anteriormente.

Non se poderá concursar con informes de prácticas nin traballos similares.

Premiaranse os dous mellores traballos presentados en cada categoría.



CONCELLO DE REDONDELA

Terceira. Importe do premio e compatibilidade.

O galardón consistirá nun Diploma de honra para o primeiro clasificado de cada categoría e unha cantidade en metálico para os dous traballos premiados en cada categoría, de acordo coa táboa do anexo I.

O crédito global que se dispón para o outorgamento destes premios, será de 2.000,00 euros, con cargo á partida orzamentaria do vixente orzamento municipal.

O pagamento realizarase por medio dunha transferencia bancaria ao número de conta que se indique na solicitude (mediante certificación bancaria), e a entrega de diplomas efectuarase nun acto público organizado polo Concello de Redondela e máis a comunidade educativa.

Os traballos premiados poderanse presentar a outras convocatorias realizadas dentro do ámbito da Comunidade Autónoma ou ben a calquera outro convocado dentro do Estado.

Cuarta. Requisitos.

Será condición indispensable para optar aos presentes premios ser **alumno ou alumna de Sexto curso de E. Primaria ou de E. Secundaria Obrigatoria de calquera centro educativo público do Concello de Redondela.**

Tamén será requisito indispensable que os grupos de traballos **estean baixo a tutela, coordinación e responsabilidade dun ou varios profesores dos centros e estarán vinculados ao centro, realizándose os mesmos dentro do horario lectivo do centro.**

Os traballos presentaranse en lingua galega.

Quinta.- Características dos traballos.

1.-TRABALLO DE CIENCIAS.

- Por cada centro poderán concursar ata un máximo de catro traballos.
- O traballo pode realizarse individualmente.
- O traballo poderá ser realizado en equipo, ata un máximo de 5 membros.
- Consistirá en desenvolver modelos teóricos e/ou prácticos dalgún dos temas das áreas de ciencias que se estuden nos niveis que concorren aos premios.



2.-TRABALLO DE INVESTIGACIÓN EN LINGUA GALEGA:

- Por cada centro poderán concursar ata un máximo de catro traballos.
- O traballo pode realizarse individualmente.
- O traballo poderá ser realizado en equipo, ata un máximo de 5 membros.
- Consistirá nun traballo escrito orixinal, en lingua galega, no que se faga un labor de investigación e/ou innovación no tratamento da lingua, co obxectivo de mellorar a competencia lingüística e favorecer a convivencia e o uso do galego no ámbito académico no noso Concello.

No caso de que o xurado considere que ningún dos traballos presentados acada un nivel axeitado, poderanse declarar os premios desertos.

Tamén existe a posibilidade de outorgar os premios a varios traballos *ex aequo*; neste caso o importe do premio repartirase a partes iguais.

Sexta.- Documentación.

Os traballos que se queiran presentar a concurso faranse chegar ao Concello no prazo indicado, xunto cunha instancia dirixida ao Concello de Redondela, coa que achegarán a seguinte documentación:

- **A solicitude, que virá presentada baixo un pseudónimo**, acompañada dun sobre pechado no que figurará:
 - a) Nome e apelidos, domicilio, teléfono, correo electrónico dos participantes e sinatura de todos os participantes.
 - b) Unha copia do DNI de cada un deles, no caso de non dispoñer, o da nai, pai ou titor.
 - c) Centro escolar no que cursan os estudos.
 - d) Nome dos docentes que participaron e titorizaron o traballo que se presenta.

Este sobre non se abrirá ata que os traballos estean valorados polo xurado.

No caso do traballo de ciencias, unha breve explicación do que se presenta, en formato papel (máximo 1 folio por unha cara e a dobre espazo).

No caso do traballo de investigación en lingua galega, ademais do traballo en si en formato papel, unha copia en formato dixital (.doc, .odt, rtf).

- e) Certificación do número de conta bancaria, de cada un deles, expedido pola entidade.



CONCELLO DE REDONDELA

Poderá presentarse no Rexistro Xeral do Concello de Redondela en horario de Rexistro de Entrada (09:00 a 14:00 horas), ou nos lugares que sinala o artigo 16.4 da Lei 39/2015, do 1 de outubro, do Procedemento Administrativo Común das Administracións Públicas.

Sétima.- Prazos de solicitude.

Estas bases e convocatoria publicaranse na páxina web do Concello de Redondela e no Boletín Oficial da Provincia. O **prazo** límite para a presentación dos traballos é o día **10 de maio de 2017**.

Oitava. Criterios obxectivos.

O procedemento de outorgamento destas subvencións é o de concorrencia competitiva, polo que a súa concesión realizarase mediante a comparación das solicitudes presentadas coa finalidade de establecer unha prelación entre elas de acordo cos criterios de valoración previamente fixados nestas bases e convocatoria e adjudicar os premios segundo as valoracións.

VALORACIÓN DOS TRABALLOS:

Traballo de Ciencias: Máximo 12 puntos.

Criterio de orixinalidade e innovación	ate	4 puntos
Criterio de calidade do acabado e presentación.	“	2 puntos
Criterio de uso de materiais reciclados.	“	3 puntos
Criterio de aplicabilidade que representa o traballo.	“	3 puntos

Traballo de investigación de Lingua Galega: Máximo 12 puntos.

Criterio de orixinalidade.	ate	2 puntos
Criterio de presentación	“	2 puntos
Criterio de calidade no uso do idioma e riqueza idiomática	“	2 puntos
Criterio de nivel de innovación no uso do idioma.	“	3 puntos.
Criterio de valor literario ou artístico.	“	3 puntos.

Novena.- Xurado.

O xurado que avaliará os traballos presentados, estará composto por:

PRESIDENTE: a Concelleira de Ensino ou quen sexa designado por resolución expresa da Alcaldía.



CONCELLO DE REDONDELA

4 VOGAIS: Profesores/as do ensino público, como mínimo un de ciencias e outro de lingua galega, que desenvolvan as súas actividades nos centros do Concello de Redondela.

SECRETARIO: con voz e sen voto, que será o funcionario do servizo de Ensino do Concello de Redondela ou quen sexa designado por resolución expresa da Alcaldía.

Décima.- Resolución.

Logo da avaliación dos traballos que farán os representantes do profesorado, elevarán a súa proposta ao Tribunal, quen resolverá os premios concedidos. O Secretario do mesmo recollerá en acta a resolución adoptada.

O Alcalde-Presidente do Concello de Redondela, e segundo o resultado ditaminado polo Tribunal, formulará, mediante Resolución da Alcaldía, a concesión dos premios de referencia.

A resolución será publicada no taboleiro de editos e na páxina web do Concello de Redondela, así como notificada aos beneficiarios. O prazo para resolver o procedemento de concesión dos premios será de tres meses contados a partir do día seguinte á data de finalización do prazo de presentación de solicitudes para tomar parte na convocatoria.

Décimo primeira.- Recursos.

Contra este acordo, que esgota a vía administrativa, poderase interpoñer recurso potestativo de reposición, ante o mesmo órgano que ditou o acto, no prazo dun mes dende o día seguinte ao da súa notificación, de acordo co establecido no artigo 124.1 da Lei 39/2015, do 1 de outubro, do Procedemento Administrativo Común das Administracións Públicas, ou ben directamente recurso contencioso-administrativo ante o Xulgado do Contencioso-Administrativo de Vigo, dentro do prazo de dous meses contados dende o día seguinte ao da súa notificación, de conformidade cos artigos 8.1 e 46.1 da Lei 29/1998, do 13 de xullo, reguladora da xurisdición Contencioso-Administrativa.

De interpoñerse o recurso potestativo de reposición, éste resolverase e notificarse no prazo dun mes segundo establece o artigo 124.2 da citada Lei 39/2015, entendéndose desestimado o recurso de reposición polo transcurso do mencionado prazo sen resolución expresa notificada, podendo entón as persoas interesadas interpoñer recurso contencioso-administrativo dentro do prazo de seis meses contados dende o día seguinte a aquel en que se deba entender presuntamente desestimado o recurso de reposición interposto, de acordo co artigo 46.1 e 4 da Lei 29/1998.

Décimo segunda.- Obrigas e dereitos dos beneficiarios.



CONCELLO DE REDONDELA

A/s persoa/s beneficiaria/s dos galardóns farán depósito dos seus traballos no Concello de Redondela durante un prazo de tres meses, dende a data na que se faga efectivo o galardón, que pode coincidir ou non coa data da gala de entrega dos premios, a partir do cal, poderán proceder a retiralos.

O Concello fará exposición durante ese mes dos traballos premiados, nun lugar destacado de calquera das dependencias municipais, así como a divulgación do nome do/s gañadore/s ou beneficiario/s nos medios habituais e dos seus traballos. Os beneficiarios deberán colaborar, dentro do posible e sempre que non lles supoña prexuízo ningún, coa divulgación dos galardóns.

Os beneficiarios teñen que estar presentes na gala de entrega dos premios.

Décimo terceira.- Publicidade do procedemento da concesión dos premios.

A concesión dos premios publicarase na páxina web do Concello de Redondela e no Taboleiro de Anuncios da Casa do Concello. (Así mesmo cando algunha das subvencións concedidas a un beneficiario sexa superior a 3.000,00 euros procederase á publicación no Boletín oficial da Provincia dun extracto do acordo de concesión das subvencións, indicando os lugares onde se atopa exposto o seu contido íntegro). En todo caso, o acordo de concesión será exposto durante 30 días no Taboleiro de Anuncios do Concello, onde se recollerá a convocatoria, o crédito orzamentario, os beneficiarios, a cantidade concedida e a finalidade ou finalidades da subvención.

Redondela, marzo 2017.

TÁBOA ANEXO I

PREMIOS EN METÁLICO PARA AS DÚAS MODALIDADES

PREMIOS (MÁXIMO CINCO MEMBROS):

	1º PREMIO	2º PREMIO
INDIVIDUAL	120	75
DOUS MEMBROS	240	150
TRES MEMBROS	360	225
CATRO MEMBROS	480	300
CINCO MEMBROS	600	375